

re evidenti. Si denique miraculi magnitudinem, DEique benignitatem, quæ Jofuæ victoriam promiserat, attenderis, absque dubio in vero & genuino Jofuæ *ἐπιτυχία*, plures de miraculo circumstantias expectabis, de quo nihil in hoc carmine legis.

§. XII.

Si antiquis temporibus Liber Recti notus fuisset Judæis, procul dubio, Talmudistæ mentionem ejus fecissent: contrarium autem cognoscitur ex cap. II. *Aboda Sara*, cujus versionem ex Clar. Edzardi editione p. m. 28. addemus: „ Quæ
 „ lis erat iste liber recti? Resp. R. Chija filius Abba refert
 „ nomine R. Jochananis, designari hoc nomine librum
 „ Abrahami, Isaaci & Jacobi, (*i. e. librum Geneseos, in*
 „ *quo exponuntur acta Abrahami, Isaaci & Jacobi,*) qui vo-
 „ cantur recti, sic scriptum est de istis Num. XXIII, 10. Mori-
 „ atur anima mea morte rectorum, (*Abrahami, Isaaci & Ja-*
 „ *cobi,*) & sit postremum meum, sicut illius. Sed ubi indicium
 „ hujus rei est in Genesi, (*quod Judæi olim sint futuri periti sa-*
 „ *gittarii?*) Resp. Gen. XLIX, 8. Jehuda, te laudabunt fratres tui,
 „ manus tua erit in cervice hostium tuorum. R. Eliefer dicit, per
 „ librum recti intelligi Deuteronomium. Quare autem (*in-*
 „ *quit,*) vocant librum hunc librum recti? Resp. Quia in eo
 „ scriptum exstat Deut. VI, 18. Facies rectum & bonum in ocu-
 „ lis Domini. Sed ubi intimatur, (*in Deuteronomio, quod Ju-*
 „ *dæi sint olim futuri periti Sagittarii!*) Resp. Deut. XXXIII,
 „ 7. Manibus suis erit contendens pro se; R. Samuel filius
 „ Nachmani asserit, per librum recti designari librum Judi-
 „ cum. Quare autem illum vocant librum recti? Resp.
 „ Quia scriptum exstat Jud. XVII, 6. In diebus illis non erat
 „ Rex in Israel, quilibet id, quod rectum erat in oculis suis,
 „ faciebat. Sed ubi insinuatur (*in libro judicum, quod Judæi*
 „ *sint futuri olim periti sagittarii?*) Resp. In verbis Jud. III,
 „ 2. Ut cognoscerent generationes filiorum Israelis, ad do-
 „ cendum eos bellum. Ex his apertum, atque maxime cla-
 „ rum est, Talmudistas nihil de libro Recti anononymo sci-
 „ visse,